

Տպագրված է ընդամենը 5 օրինակ

ՕՐԻՆԱԿ 4

ՀԱՍՏԱՏՎԱԾ է

«ՀՐԱՊԱՐԱԿ ՕՐԱԹԵՐԹ»

սահմանափակ պատասխանատվությամբ

ընկերության հիմնադիրների

02 սեպտեմբերի 2008 թ.

թիվ 1 արձանագրությամբ

ՏՆՕՐԵՆ՝



Ս. Գրիգորյան

ԳՐԱՆՑՎԱԾ է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ

ՌԵԳԻՍՏՐԻ ԱՐԱՔԿԻՐԻ ՏԱՐԱԾՔԱՅԻՆ

ԲԱԺԻ ԿՈՂՄԻՑ

«09» 09 2008թ.

Գրանցման թիվ 264.110.08375

Վկայական [REDACTED]



«ՀՐԱՊԱՐԱԿ ՕՐԱԹԵՐԹ»

սահմանափակ պատասխանատվությամբ ընկերության

ԿԱՆՈՆԱԴՐՈՒԹՅՈՒՆ

2008թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1. «ՀՐԱՊԱՐԱԿ ՕՐԱԹԵՐԹ» սահմանափակ պատասխանատվությամբ ընկերությունը (հետագայում՝ Ընկերություն) համարվում է շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ, որի կանոնադրական կապիտալը բաժանված է սույն կանոնադրությամբ սահմանված չափերով բաժնեմասերի: Ընկերության մասնակիցները պատասխանատու չեն Ընկերության պարտավորությունների համար եւ իրենց ներդրած ավանդների արժեքի սահմաններում կրում են Ընկերության գործունեության հետ կապված վնասների ռիսկը:

1.2. Ընկերության իրավունակությունը ծագում է նրա ստեղծման (պետական գրանցման) պահից եւ դադարում է լուծարման ավարտի (լուծարման մասին պետական գրանցամատյանում գրառման) պահից:

1.3. Ընկերությունն ունի իր ֆիրմային անվանմամբ կլոր կնիք (հայերեն եւ անգլերեն գրառումներով), դրոշմներ եւ բլանկներ, ինչպես նաեւ օրենքով սահմանված կարգով գրանցված խորհրդանիշ, ապրանքային, առևտրային եւ այլ նշաններ ու ֆիրմային այլ վավերապայմաններ:

1.4. Ընկերությունն իր գործունեության ընթացքում ղեկավարվում է Հայաստանի Հանրապետության Քաղաքացիական Օրենսգրքով (այսուհետ՝ Օրենսգիրք), «Սահմանափակ պատասխանատվությամբ ընկերությունների մասին» ՀՀ օրենքով (այսուհետ՝ Օրենք), Հայաստանի Հանրապետության իրավական այլ ակտերով եւ սույն կանոնադրությամբ:

1.5. Ընկերության մասնակիցների եւ ընկերության միջեւ հարաբերությունները կարգավորվում են Օրենսգրքով, Օրենքով եւ սույն կանոնադրությամբ:

1.6. Ընկերությունն իր պարտավորություններով պատասխանատու է իրեն պատկանող ամբողջ գույքով: Ընկերությունը պատասխանատու չէ իր մասնակիցների պարտավորությունների համար:

1.7. Հայաստանի Հանրապետությունը եւ համայնքները պատասխանատվություն չեն կրում Ընկերության պարտավորությունների համար: Ընկերությունը պատասխանատվություն չի կրում Հայաստանի Հանրապետության եւ համայնքների պարտավորությունների համար:

1.8. Ընկերության ֆիրմային անվանումն է.

հայերեն լրիվ՝ «Հրապարակ օրաթերթ» սահմանափակ պատասխանատվությամբ ընկերություն

կրճատ՝ «Հրապարակ օրաթերթ» ՍՊԸ

ռուսերեն լրիվ՝ Общество с Ограниченной Ответственностью "Рапарак оратерт"

կրճատ՝ ООО "РАПАРАК ОРАТЕРТ"

անգլերեն լրիվ՝ "HRAPARAK ORATERT" Limited Liability Company

անգլերեն կրճատ՝ "HRAPARAK ORATERT" LLC

1.9. Ընկերության գտնվելու վայրը եւ փոստային հասցեն է՝

0052, 33 Զ. Երեւան, Թբիլիսյան խճուղի 1-62:

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ԱՌԱԿԱՆ ՈՒ ՆՊԱՏԱԿԸ

2.1. Ընկերության ստեղծման նպատակն է տնտեսական գործունեություն (այդ թվում՝ առևտրային) իրականացնելու ճանապարհով շահույթի ստացումը:

2.2. Ընկերությունը ունի օրենքով չարգելված գործունեության ցանկացած տեսակներ իրականացնելու համար անհրաժեշտ քաղաքացիական իրավունքներ եւ կրում է այդ գործունեության հետ կապված քաղաքացիական պարտականություններ:

2.3. Օրենքով սահմանված գործունեության առանձին տեսակներով Ընկերությունը կարող է զբաղվել միայն լիցենզիայի (հատուկ թույլտվության) առկայության դեպքում՝ լիցենզիա ստանալու պահից կամ նրանում նշված ժամկետում: Եթե լիցենզիայի հատկացման պայմաններում նախատեսված է, որ Ընկերությունը բացի լիցենզավորվող գործունեությունից, այլ գործունեությամբ զբաղվել չի կարող կամ սահմանափակումներ են դրվում գործունեության առանձին տեսակներով զբաղվելու վրա, ապա Ընկերությունը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այն գործունեություններով, որոնց մասին նշված է լիցենզիայի մեջ:

3. ԸՆԿԵՐՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1. Պետական գրանցման պահից ընկերությունը ձեռք է բերում իրավաբանական անձի կարգավիճակ:

Ընկերությունը, որպես սեփականություն, կարող է ունենալ առանձնացված գույք եւ իր պարտավորությունների համար պատասխանատվություն կրել այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային եւ անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

Ընկերությունն ունի ինքնուրույն հաշվեկշիռ, Հայաստանի Հանրապետության բանկում դրամային հաշիվ, Հայաստանի Հանրապետության եւ օտարերկրյա բանկային կազմակերպություններում կարող է ունենալ տարադրամով բանկային հաշիվներ:

3.2. Ընկերությունը կարող է լինել այլ ընկերության (այդ թվում՝ դուստր եւ կախյալ) հիմնադիր մասնակից, բացառությամբ Օրենսգրքով եւ այլ օրենքներով նախատեսված դեպքերի:

3.3. Ընկերությունն իրավունք ունի ստեղծել առանձնացված ստորաբաժանումներ (մասնաճյուղեր եւ ներկայացուցչություններ), ինչպես Հայաստանի Հանրապետության, այնպես էլ այլ պետությունների տարածքում:

Կառավարչական, սոցիալ-մշակութային, կրթական կամ ոչ առևտրային բնույթի այլ գործունեություն իրականացնելու համար Ընկերությունը կարող է ստեղծել հիմնարկ:

Ընկերության առանձնացված ստորաբաժանումները եւ հիմնարկները իրավաբանական անձիք չեն եւ գործում են Ընկերության հաստատած կանոնադրության հիման վրա, իսկ նրանց ղեկավարները գործում են Ընկերության լիազորագրի հիման վրա:

3.4. Ընկերությունն իրավունք ունի.

Հայաստանի Հանրապետության օրենսդրությամբ չարգելված ցանկացած ձեւերով ձեռք բերել գույք, այդ թվում՝ արժեթղթեր, տիրապետել, օգտագործել ու տնօրինել դրանք եւ դրանցից ստացված եկամուտը կամ այլ օգտակար արդյունքը, ինքնուրույն կազմավորել իր ֆինանսական ռեսուրսները, այդ թվում՝ փոխառու միջացների ներգրավմամբ, Հայաստանի Հանրապետությունում եւ այլ պետություններում ստանալ բանկային եւ առեւտրային վարկեր, այդ թվում՝ արտարժույթով, օրենսդրությամբ սահմանված կարգով իր անունից թողարկել եւ տարածել արժեթղթեր, օտարել, վարձակալության տալ, փոխանակել, օրենսդրությամբ չարգելված այլ ձեւերով փոխանցել գույքային իրավունքներ, լիներ գրավառու եւ գրավատու, օրենսդրությամբ սահմանված կարգով արտահանել եւ ներմուծել գույք, արտադրված, գնված եւ այլ օրինական ձեւով ստացված արտադրանք, ծառայություններ մատուցել եւ աշխատանքներ կատարել օտարերկրյա իրավաբանական անձանց եւ կամ կազմակերպությունների ու քաղաքացիների համար, օգտվել նրանց կատարած աշխատանքներից, մատուցած ծառայություններից, այլ պետություններում նրանց օրենսդրությամբ համապատասխան իրականացնել ներդրումներ, ստեղծել իրավաբանական անձինք եւ (կամ) անդամակցել իրավաբանական անձանց եւ (կամ) օգտվել օրենսդրությամբ եւ սույն կանոնադրությամբ սահմանված այլ իրավունքներից:

3.5. Ընկերությունը պարտավոր է.

օրենսդրությամբ կամ այլ իրավական ակտերով սահմանված կարգով իրականացնել հաշվապահական հաշվառում եւ ներկայացնել վիճակագրական հաշվետվություն, աշխատանքային պայմանագրեր կնքել Ընկերության աշխատակիցների հետ, պատասխանատվություն կրել եւ փոխհատուցել իր կողմից հասցված վնասը՝ կնքած պայմանագրերը չկատարելու կամ ոչ լիարժեք կատարելու, այլ անձանց սեփականության իրավունքը խախտելու համար, օրենսդրությամբ սահմանված կարգով հայտարարել Ընկերության սնանկացման մասին այն դեպքում, երբ հնարավոր չէ բավարարել պարտապանների պահանջները, ապահովել Ընկերության փաստաթղթերի (Ընկերության կանոնադրության, գույքի նկատմամբ գույքային իրավունքները հաստատող փաստաթղթերի, Ընկերության ներքին փաստաթղթերի, առանձնացված ստորաբաժանումների ու հիմնարկների, տարեկան հաշվետվությունների, հաշվապահական հաշվառման փաստաթղթերի, կառավարման մարմինների ժողովի արձանագրությունների, Հայաստանի Հանրապետության օրենքներով եւ այլ իրավական ակտերով նախատեսված այլ փաստաթղթերի) պահպանումը, կրել օրենսդրությամբ եւ սույն կանոնադրությամբ սահմանված այլ պարտավորություններ:

4. ԸՆԿԵՐՈՒԹՅԱՆ ՄԱՍՆԱԿԻՑՆԵՐԸ, ՆՐԱՆՑ ԻՐԱՎՈՒՆԶՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

4.1. Անձը համարվում է ընկերության մասնակից՝ իրավաբանական անձանց պետական գրանցումն իրականացնող մարմնի կողմից ընկերության մասնակիցների գրանցամատյանում գրանցվելու պահից:

4.2. Ընկերության մասնակիցներն իրավունք ունեն՝

- 4.2.1. օրենքով կամ սույն կանոնադրությամբ սահմանված կարգով մասնակցել
Ընկերության կառավարմանը,
- 4.2.2. տեղեկատվություն ստանալ Ընկերության գործունեության մասին, ծանոթանալ
հաշվապահական հաշվառման, հաշվետվության, Ընկերության արտադրատնտեսական
գործունեության այլ փաստաթղթերի հետ,
- 4.2.3. ստանալ Ընկերության գործունեությունից ստացվող շահույթի դիվիդենդի մասը,
- 4.2.4. հանդես գալ առաջարկություններով Ընկերության մասնակիցների ընդհանուր
ժողովում,
- 4.2.5. Ընկերության մասնակիցների ընդհանուր ժողովում քվեարկել իրեն պատկանող
լրիվ վճարված բաժնեմասերի ձայների չափով,
- 4.2.6. Ընկերության լուծարվելու դեպքում ստանալ շահույթի իր մասը,
- 4.2.7. Ընկերության լուծարվելու դեպքում ստանալ պարտատերերի հետ կատարված
հաշվարկներից հետո մնացած գույքի մասը կամ դրա արժեքը,
- 4.2.8. ցանկացած ժամանակ դուրս գալ ընկերությունից՝ անկախ մյուս մասնակիցների
համաձայնությունից, հայցով դիմել դատարան՝ Ընկերության մասնակիցների ընդհանուր
ժողովի կողմից ընդունված եւ գործող օրենքներին ու այլ իրավական ակտերին հակասող
որոշումների բողոքարկման նպատակով,
- 4.2.9. Ընկերության միջոցների հաշվին Ընկերության կանոնադրական կապիտալի
ավելացման դեպքում անվճար ստանալ համապատասխան քանակությամբ բաժնեմասեր,
- 4.2.10. Օգտվել Օրենքով եւ Ընկերության կանոնադրությամբ նախատեսված այլ
իրավունքներից:
- 4.3. Ընկերության մասնակիցները պարտավոր են՝
- 4.3.1. սույն կանոնադրությամբ կամ Ընկերության մասնակիցների ընդհանուր ժողովի
որոշմամբ սահմանված կարգի համաձայն կատարել ներդրումներ,
- 4.3.2. չիրապարակել գաղտնի տեղեկություններ Ընկերության գործունեության
վերաբերյալ,
- 4.3.3. կատարել Ընկերության նկատմամբ ստանձնած պարտավորությունները,
- 4.3.4. պահպանել սույն կանոնադրության դրույթները:
- 4.4. Ընկերության մասնակիցը (մասնակիցները), որը (որոնք) գումարային առումով
տնօրինում է (են) ընկերության առնվազն 10 տոկոս բաժնեմասը, իրավունք ունի (ունեն)
դատական կարգով պահանջել ընկերության այլ մասնակցի հեռացումն ընկերությունից, եթե
նա իր գործողություններով կամ անգործությամբ դժվարացնում է կամ անհնարին է
դարձնում ընկերության բնականոն գործունեությունը: Ընկերությունից հեռացված
մասնակցի բաժնեմասն անցնում է ընկերության տրամադրության տակ: Ընկերությունը
պարտավոր է հեռացված մասնակցին վճարել բաժնեմասի արժեքը սույն կանոնադրության
4.5. կետով սահմանված կարգով:

4.5. Ընկերությունից դուրս եկող մասնակցի բաժնեմասը դուրս գալու դիմումը ներկայացնելու պահից փոխանցվում է ընկերությանը: Ընկերության մասնակցի Ընկերությունից դուրս գալու հետ կապված հաշվարկները կատարվում են հետևյալ կարգով:

Վճարվում է կանոնադրական կապիտալում նրա բաժնեմասի (կանոնադրական կապիտալում նրա ավանդի ոչ լրիվ վճարման դեպքում՝ վճարված մասին համապատասխան բաժնեմասի) արժեքը: Բաժնեմասի արժեքը որոշվում է դուրս գալու մասին դիմումը ներկայացնելու պահին ընկերության վերջին հաշվետու ժամանակաշրջանի հաշվապահական հաշվետվությունների հիման վրա: Մասնակցին նրա համաձայնությամբ կարող է տրվել նրա բաժնեմասի արժեքին համապատասխան գույք՝ ընդհանուր ժողովի որոշմամբ: Եթե որպես ավանդ ներդրվել է գույքի օգտագործման իրավունք, ապա Ընկերությունը պահպանում է այդ իրավունքը մինչև օգտագործման իրավունքի ժամկետի ավարտը: Մասնակիցը պարտավոր չէ վերադարձնել իր կողմից բարեխղճորեն ստացած շահույթը: Ընկերությունը պարտավոր է մասնակցին վճարել բաժնեմասի արժեքը Ընկերությունից դուրս գալու մասին դիմումը ներկայացնելու պահից՝ 6 ամսվա ընթացքում:

5. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼՈՒՄ ԲԱԺՆԵՄԱՍԸ ՓՈԽԱՆՑԵԼԸ

5.1. Ընկերության մասնակիցներն իրավունք ունեն իրենց սեփականությունը հանդիսացող բաժնեմասերը (դրանց մասը) օտարել կամ այլ՝ օրենքով չարգելված ձևով, այլ անձանց փոխանցել Օրենքով սահմանված կարգով: Ընդ որում, մյուս մասնակիցներն ունեն այդ բաժնեմասը նույն գնով ձեռքբերման նախապատվության իրավունք: Մասնակիցների կողմից իրենց վաճառվող բաժնեմասերի ձեռքբերման նախապատվության իրավունքը չիրականացնելու դեպքում բաժնեմասերը կարող են օտարվել երրորդ անձանց:

Օրենքով նախատեսված բաժնեմասը գնելու նախապատվության իրավունքի գիշում չի թույլատրվում:

5.2. Երրորդ անձանց օտարման անհնարինության դեպքում Ընկերությունն ինքը պարտավոր է ձեռք բերել մասնակցի բաժնեմասը, այն իրացնել մեկ տարվա ընթացքում այլ մասնակիցների կամ երրորդ անձանց կամ որոշում ընդունել բաժնեմասի չբաշխված մասի մարման ճանապարհով Ընկերության կանոնադրական կապիտալի նվազեցման մասին:

5.3. Մասնակիցների նախապատվության իրավունքի (այլ մասնակիցների կողմից վաճառվող բաժնեմասերի ձեռքբերման) իրականացման ժամկետը սահմանվում է 30 օր:

5.4. Ընկերության կանոնադրական կապիտալի բաժնեմասերն անցնում են Ընկերության մասնակից քաղաքացիների ժառանգներին եւ իրավաբանական անձանց իրավահաջորդներին միայն ընկերության մնացած մասնակիցների միաձայն համաձայնությամբ: Ընդ որում, բաժնեմասն անցնելու համար համաձայնություն չտալու, ինչպես նաեւ ժառանգի (իրավահաջորդի) բաժնեմասից հրաժարվելու դեպքում դրա արժեքի վճարումը կատարվում է սույն կանոնադրության 4.5. կետում սահմանված կարգով:

6. ԸՆԿԵՐՈՒԹՅԱՆ ԳՈՒՅՔԸ, ԿԱՊԻՏԱԼՆ ՈՒ ՇԱՅՈՒՅԹԸ

6.1. Ընկերությունը հանդիսանում է սեփականատեր:

6.1.1. Ընկերության հիմնադիրների (մասնակիցների) ավանդների եւ դրանց հաշվին ստեղծված գույքի,

6.1.2. Ընկերության տնտեսական գործունեության հետեւանքով արտադրած արտադրանքի եւ ձեռք բերված գույքի,

6.1.3. Ստացված եկամուտների,

6.1.4. Գործող օրենսդրությամբ չարգելված հիմունքներով ձեռք բերած գույքի:

6.2. Ընկերության մասնակցի ներդրումը կարող է լինել դրամ, արժեթղթեր, այլ գույք կամ գույքային իրավունքներ, ինչպես նաեւ դրամական գնահատում ունեցող այլ իրավունքներ: Ընկերության հիմնադիրների (մասնակիցների) կամ ընկերության մեջ ընդգրկվող երրորդ անձանց կողմից ներդրվող ոչ դրամային ավանդների դրամական գնահատականը հաստատվում է ընդհանուր ժողովի կողմից՝ միաձայն կարգով: Եթե Ընկերության մասնակցի ոչ դրամային ավանդով վճարվող բաժնեմասի անվանական արժեքը (անվանական արժեքի մեծացումը) ավելի է ընկերության պետական գրանցման համար փաստաթղթեր ներկայացնելու պահին սահմանված նվազագույն աշխատավարձի 500-ապատիկից, ապա նման ավանդը պետք է գնահատվի անկախ գնահատողի (աուդիտորի) կողմից:

Կանոնադրական կապիտալում մասնակցի բաժնեմասը գնահատվում է տեղական արժույթով:

6.3. Ընկերությունը կարող է ստեղծել պահուստային եւ այլ ֆոնդեր՝ իր կանոնադրությամբ նախատեսված կարգով եւ չափերով:

6.4. Սահմանված կարգով առաջացող մաքուր շահույթի բաշխումը Ընկերության մասնակիցների միջեւ իրականացվում է կանոնադրական կապիտալում մասնակիցների ունեցած բաժնեմասերին համապատասխան՝ Օրենքով սահմանված կարգով:

7. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ ԵՎ ՆՐԱ ՓՈՓՈԽՈՒՄԸ

7.1. Ընկերության կանոնադրական կապիտալը կազմում է 50 000 (հիսուն հազար) ՀՀ դրամ, որը բաժանված է 100 բաժնեմասերի, մեկ բաժնեմասի անվանական արժեքը կազմում է 500 ՀՀ դրամ: Կանոնադրական կապիտալը սահմանում է պարտատերերի շահերը երաշխավորող ընկերության գույքի նվազագույն չափը: Ընկերության կանոնադրական կապիտալը չի կարող պակաս լինել «Սահմանափակ պատասխանատվությամբ ընկերությունների մասին» Հայաստանի Հանրապետության օրենքով սահմանված չափից:

Ընկերության կանոնադրական կապիտալը լրիվ վճարված է, եւ դրա 100 բաժնեմասերը պատկանում են Ընկերության հիմնադիրներին:

Ընկերության մասնակիցների ցանկը եւ բաժնեմասերի քանակը (բաժնեմասը) բերված է սույն Կանոնադրության բաղկացուցիչ մաս հանդիսացող հավելվածում:

7.2. Ընկերության մասնակիցները կարող են իրենց բաժնեմասերը օտարել սույն կանոնադրության 5.1., 5.2. եւ 5.3. կետերով սահմանված կարգով:

7.3. Ընկերությունը կարող է փոփոխել կանոնադրական կապիտալի մեծությունը: Այդ մասին որոշումն ուժի մեջ է մտնում պետական ռեգիստրում համապատասխան փոփոխությունների պետական գրանցման պահից:

Ընկերության կանոնադրական կապիտալի ավելացումը հնարավոր է միայն նրա ամբողջությամբ վճարումից հետո:

Ընկերության կանոնադրական կապիտալի ավելացումը կարող է կատարվել.

- Ընկերության գույքի հաշվին,
- Ընկերության մասնակիցների լրացուցիչ ավանդների հաշվին,
- Երրորդ անձանց ներդրումների հաշվին:

Ընկերության մասնակիցների կողմից լրացուցիչ ավանդների ներդրման միջոցով կանոնադրական կապիտալի ավելացման մասին որոշումն ընդունում է Ընկերության ընդհանուր ժողովը՝ Ընկերության մասնակիցների ձայների առնվազն երկու երրորդով: Այդ որոշմամբ պետք է սահմանվի լրացուցիչ ավանդների ընդհանուր արժեքը, ինչպես նաև սահմանվի լրացուցիչ ավանդի արժեքի եւ այն գումարի մասնակիցների համար միասնական հարաբերակցությունը, որով ավելացվում է նրա բաժնեմասի անվանական արժեքը:

Լրացուցիչ ավանդները ներդրվում են այդ մասին որոշում ընդունելուց հետո մեկ տարվա ընթացքում: Ընկերության մասնակիցների կողմից լրացուցիչ ավանդների ներդրման միջոցով կանոնադրական կապիտալի ավելացման կարգն ու պայմանները սահմանվում են Օրենքով:

Ընկերության մասնակցի կամ երրորդ անձի դրնումի հիման վրա Ընկերության կանոնադրական կապիտալի ավելացման կարգն ու պայմանները սահմանվում են Օրենքով: Ընկերությունն իրավունք ունի, իսկ Օրենքով սահմանված դեպքերում՝ պարտավոր է նվազեցնել իր կանոնադրական կապիտալը:

Ընկերության կանոնադրական կապիտալի նվազեցում կարող է կատարվել մասնակիցների բաժնեմասերի անվանական արժեքների նվազեցմամբ եւ (կամ) Ընկերությանը պատկանող բաժնեմասերի մարմամբ:

Եթե երկրորդ կամ յուրաքանչյուր հաջորդ ֆինանսական տարվա ավարտից հետո Ընկերության զուտ ակտիվների արժեքը պակաս է կանոնադրական կապիտալից, ապա Ընկերությունը պարտավոր է հայտարարել իր կանոնադրական կապիտալի նվազման մասին եւ սահմանված կարգով գրանցել դրա նվազումը:

Ընկերության կանոնադրական կապիտալի նվազեցման կարգն ու պայմանները սահմանվում են Օրենքով:

Ընկերության կանոնադրական կապիտալի նվազեցում թույլատրվում է նրա բոլոր պարտատերերի՝ առաջացած պահանջների բավարարման դեպքում: Վերջիններս այդ դեպքում իրավունք ունեն պահանջել վաղաժամկետ կատարելու կամ դադարեցնելու Ընկերության համապատասխան պարտավորությունները եւ հատուցելու վնասները:

Ընկերության կանոնադրական կապիտալում Ընկերության մասնակցի բաժնեմասի վրա բռնագանձում տարածելը կամ բռնագրավումը կատարվում է Օրենսգրքով եւ Օրենքով սահմանված դեպքերում եւ կարգով:

8. ԸՆԿԵՐՈՒԹՅԱՆ ԿԱՌԱՎԱՐՈՒՄԸ

8.1. Ընկերության կառավարման բարձրագույն մարմինը մասնակիցների (կամ նրանց լիազոր ներկյացուցիչների) ընդհանուր ժողովն է, որն ունի Ընկերության կառավարման եւ գործունեության ցանկացած հարցի վերջնական լուծման իրավունք:

8.2. Ընկերությունը կարող է ստեղծել 3 հոգուց բաղկացած խորհուրդ:

8.3. Ընկերության ընդհանուր ժողովի բացառիկ իրավասությանն են պատկանում

1. Ընկերության գործունեության հիմնական ուղղությունների որոշումը, ինչպես նաեւ կազմակերպություններ հիմնադրելու կամ դրանց մասնակցելու հարցերը,

2. Ընկերության կանոնադրության մեջ փոփոխությունների եւ լրացումների կատարումը, Ընկերության կանոնադրության հաստատումը նոր խմբագրությամբ,

3. Ընկերության վերակազմակերպումը,

4. Ընկերության լուծարումը, լուծարային հանձնաժողովի նշանակումը, լուծարային հաշվեկշիռների հաստատումը,

5. Ընկերության կանոնադրական կապիտալի չափի մեծացումը,

6. Ընկերության կանոնադրական կապիտալի չափի փոքրացումը,

7. Ընկերության տնօրենի (գլխավոր տնօրենի, գործադիր տնօրենի) նշանակումը, նրա լիազորությունների վաղաժամկետ դադարեցումը,

8. Ընկերության վերստուգիչ հանձնաժողովի անդամների (վերստուգողի) ընտրությունը եւ նրանց (նրա) լիազորությունների վաղաժամկետ դադարեցումը, ծառայության մատուցման վճարման չափը,

9. Ընկերության աուդիտի իրականացման որոշումն ընդունելը,

10. Ընկերության ներքին գործունեությունը կարգավորող փաստաթղթերի (Ընկերության ներքին փաստաթղթեր) ընդունումը (հաստատումը),

11. Ընկերության տարեկան հաշվետվությունների, հաշվապահական հաշվեկշիռների, շահույթների եւ վնասների բաշխման հաստատումը,

12. Օրենքով նախատեսված այլ հարցերի լուծումը:

Ընկերության ընդհանուր ժողովի իրավասությանը վերաբերող հարցերի լուծումը կատարվում է ժողովի նիստում կամ հեռակա կարգով քվեարկությամբ (հարցման միջոցով): Հեռակա կարգով քվեարկությունն իրականացվում է Օրենքով սահմանված կարգով: Ընդհանուր ժողովն իրավազոր է, եթե դրան մասնակցում են Ընկերության մասնակիցների ձայների ընդհանուր թվի կեսից ավելին տնօրինող մասնակիցները:

Սույն կանոնադրությամբ նախատեսված դեպքերում (երբ քննարկվող հարցը պահանջում է բոլոր մասնակիցների միաձայնությունը) ժողովն իրավասու է բոլոր մասնակիցների (նրանց ներկայացուցիչների) ներկայության դեպքում:

Սույն կանոնադրության 8.3. կետի 2, 5, 6 ենթակետերում նշված հարցերի վերաբերյալ որոշումներն ընդունվում են Ընկերության մասնակիցների ձայների ընդհանուր թվի առնվազն երկու երրորդով:

Սույն կանոնադրության 8.3. կետի 3, 4 ենթակետերում նշված հարցերի վերաբերյալ որոշումներն ընդունվում են Ընկերության մասնակիցների միանձնյա որոշմամբ:

Մյուս հարցերի վերաբերյալ որոշումներն ընդունվում են Ընկերության մասնակիցների ձայների թվի մեծամասնությամբ, եթե Օրենքով կամ սույն կանոնադրությամբ տվյալ հարցի վերաբերյալ որոշում ընդունելու համար ավելի մեծ թիվ նախատեսված չէ:

Ընդհանուր ժողովին մասնակցելու իրավունք ունեն (առանց ձայնի իրավունքի) տնօրենը, վերստուգիչ հանձնաժողովի անդամները կամ վերստուգողը, աուդիտն իրականացնող անձը:

Ընկերության գործադիր մարմինը կազմակերպում է արձանագրության վարումը: Արձանագրությունների գիրքը ցանկացած ժամանակ պետք է ներկայացվի մասնակիցներին: Նրանց պահանջով արձանագրությունների գրքից տրվում են գործադիր մարմնի կողմից հաստատված քաղվածքներ:

8.4. Հերթական ընդհանուր ժողովները գումարվում են ոչ պակաս, քան տարին մեկ անգամ: Ընդհանուր ժողովները գումարվում են հերթական ֆինանսական տարվա ավարտից 2 ամիս հետո 3 ամսվա ընթացքում: Արտահերթ ժողովը գումարվում է Ընկերության գործադիր մարմնի կողմից, կանոնադրության մեջ նշված հանգամանքների առկայության դեպքում, ինչպես նաեւ այն բոլոր դեպքերում, եթե դա են պահանջում Ընկերության եւ նրա մասնակիցների շահերը: Ընդհանուր ժողովները իրավիքվում են անցկացվում են Օրենքով սահմանված կարգով:

8.5. Ընկերության ընթացիկ գործունեության ղեկավարությունն իրականացնում է տնօրենը:

Տնօրենը լուծում է բոլոր հարցերը, բացի մասնակիցների ընդհանուր ժողովի բացառիկ իրավասությանը վերաբերող հարցերից: Տնօրենը կազմակերպում է ընդհանուր ժողովի որոշումների կատարումը, հաշվետու է ընդհանուր ժողովին եւ իրավունք չունի մասնակիցների համար պարտադիր որոշումներ կայացնելու:

8.6. Ընկերության տնօրենն իր իրավասության սահմաններում

- առանց լիազորագրի գործում է Ընկերության անունից, այդ թվում՝ ներկայացնում է նրա շահերը եւ կնքում գործարքներ,
- տնօրինում է Ընկերության գույքը, այդ թվում՝ ֆինանսական ռեսուրսները,
- կնքում է պայմանագրեր, այդ թվում՝ աշխատանքային,
- տալիս է լիազորագրեր,

- բանկային կազմակերպություններում բացում է հաշվարկային եւ այլ հաշիվներ,
- հաստատում է հաստիքներ,
- իրականացնում է ՀՀ գործող օրենսդրությանը չհակասող, Օրենքով եւ Ընկերության կանոնադրությամբ իրեն վերապահված կամ Ընկերության ընդհանուր ժողովի կողմից տրված այլ լիազորություններ եւ հանձնարարություններ:

8.7. Ընկերության գործունեության նկատմամբ վերահսկողությունն իրականացնում է վերստուգողը, որն ընտրվում է երեք տարի ժամկետով:

Տնօրենը չի կարող լինել վերստուգող:

Վերստուգումը կատարվում է ոչ պակաս, քան տարին մեկ անգամ, ընդհանուր ժողովի պահանջով կամ վերստուգողի սեփական նախաձեռնությամբ: Վերստուգողն իրավունք ունի Ընկերության պաշտոնատար անձանցից պահանջելու իրեն ներկայացնել բոլոր անհրաժեշտ նյութերը, անձնական բացատրությունները:

Վերստուգման արդյունքները քննարկվում են Ընկերության մասնակիցների ընդհանուր ժողովում, որի առջեւ վերստուգողը հաշվետու է: Վերստուգողը ստուգում է Ընկերության ամենամյա հաշվետվությունը, դրամարկղը եւ կայքը: Վերստուգող չի կարող ընտրվել ընկերության ապարատում պաշտոններ կրող անձը:

Ընկերության ֆինանսական եւ տնտեսական գործունեության ստուգումն իրականացվում է գործող օրենսդրությանը համապատասխան, ՀՀ ֆինանսական եւ այլ լիազորված մարմինների, հսկողական ծառայությունների կողմից իրենց իրավասության սահմաններում:

Վերստուգողը ստուգումների արդյունքներն ուղարկում է Ընկերության ընդհանուր ժողով: Վերստուգողը, ըստ տարեկան հաշվետվության եւ հաշվեկշռի, կազմում է եզրակացություն: Առանց այդ եզրակացության, Ընկերության հաշվեկշիռը ենթակա չէ հաստատման ընդհանուր ժողովի կողմից: Վերստուգողը պարտավոր է պահանջել՝ գումարելու արտահերթ նիստ, եթե գտնում է, որ Ընկերության շահերին էական սպառնալիք է առաջացել: Ընկերության տարեկան ֆինանսական հաշվետվության հավաստիությունը վերստուգելու համար Ընկերությունն իրավունք ունի ամեն տարի ներգրավել Ընկերության կամ նրա մասնակիցների հետ գույքային շահերով չկապված արհեստավարժ վերստուգիչի՝ աուդիտորի (արտաքին աուդիտ):

Ընկերության տարեկան ֆինանսական հաշվետվության վերստուգումը կարող է կատարվել նաեւ նրա մասնակիցներից յուրաքանչյուրի պահանջով: Այս դեպքում վերստուգումը կատարվում է այն պահանջող մասնակցի հաշվին:

«Հրապարակ օրաթերթ»

ՍՊԸ կանոնադրության հավելված

«Հրապարակ օրաթերթ»

ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ

մասնակիցների ցուցակ

Մասնակցի անունը, ազգանունը անձնագրի տվյալները, հասցեն	բաժնեմասերի քանակը	բաժնեմասերի չափը (տոկոսով)	ստորագրություն
1. Արմինե Օհանյան անձնագիր [redacted] տրվ. [redacted] հասցե՝ ՀՀ ք. [redacted] [redacted]	90	90%	
2. Սեւակ Գրիգորյան անձնագիր [redacted] տրվ. [redacted] երկարաձգ. [redacted] [redacted] հասցե՝ ՀՀ ք. [redacted]	10	10%	

09 09 6594 08